



雙鑑齋



1623  
19



陸曰周頌三十一篇皆  
平手之形容也以此

毛詩卷第九

清廟之什 詁訓傳第二十六

毛詩周頌

鄭氏箋

清廟祀文王也周公既成雒邑朝諸侯

以祀文主焉

清廟者祭有清明之德若之  
官也謂祭文主也天德清明  
文王象焉故祭之而歌此詩也朝之言貌  
也死者精神不可得而見但以生時之

立宮室象廟為之耳成  
洛邑者居攝五年時也

於穆清廟肅雍顯相敬誰和相助也穆美肅

本顯光也見也於乎美哉周公之祭清廟  
也其禮儀敬且和又諸侯有光明著見之

德者來濟濟多士秉文之德對越在天文執

德之人也箋云對越於也濟濟之衆

士皆執行文王之德文王精神已在天矣  
猶配順其素駿奔走在廟不顯不羨無射

行如生存焉駿奔走

於人斯駿長也顯於天矣見於人矣不

與衆士於周公祭文王但奔走而來在廟  
中助祭是不光明文王之德與言其光明

之也見不羨順文王之志竟與言其  
兼順之也此文王之德人无厭之也

清廟一章八句

維天之命太平告文王也告太平者居攝

王受命不卒而崩今天下太平成業  
其意而告之也明六年制禮作樂也

維天之命於穆不已

孟仲子曰大哉天

也 變六命猶道也 天之道於乎美哉動而不止行而无已

於乎不顯

文王之德之純假以溢我我其收之駿惠

我文王

純大假善溢慎收聚也 箋云純亦不已也 溢盈溢之訖也 於乎不

光明與文王之施德教之无倦已美其與

夫同功也以嘉美之道饒衍與我我其聚

歛之以制法度以大順我文王之意謂為

周礼六官之職也書曰考朕躬子刑乃濇

下

文祖 曾孫篤之 成王能厚之 箋云曾祖

德也 皆稱曾孫是言曾孫欲使後主皆厚行之非唯今也

維天之命一章八句

維清奏象舞也 象舞者象用兵時刺

維清緝熙文王之典 典法也 箋云緝熙

无敗乱之政而清明者乃文王有征 肇禋

下

肇始禋祀也 茲古文王受命始祭天  
而征伐也 周禮以禋祀祀昊天上帝  
用有成維周之禎 王造此征伐之法至今  
用之而有成功 謂伐紂克殷也 征  
伐之法乃周家得天下之吉祥也

維清一章五句

烈文成王即政諸侯助祭也

新王即政必以朝享之禮

祭於祖考告嗣位也

烈文辟公錫茲祉福惠我無疆子孫保之

烈光也 文王錫之也 茲古惠愛也 光文  
百辟 卿士及天下諸侯者 天賜之以此祉  
福 又長愛之 无有期 境子孫得傳世安而  
居之 謂文王武王以純德受命定天位也

無封靡于爾邦維王其崇之念茲戎功繼

序其皇 封大 靡累崇立戎大皇美也 茲

諸侯治國无罪惡也 王其厚之 曾其爵士  
也 念此大 功勤事不廢 謂知大夫能守其

職也。得繼世在位，以其次序其無競維人。君之者謂有功王則出而封之。

四方其訓之不顯，維德百辟其刑之於乎。

前王不忘。競疆訓道也。前王武王也。國家疆矣，故天下諸侯頌其所為也。不勤明其德乎，勤明之也。故卿大夫法其所為也。於乎先王文王武王其於此道，人稱頌之不忘也。

烈文一章十三句。

天作祀先王先公也。先王謂太王以下，先公謂諸盤以上，至不

也。天作高山大王荒之。作生荒大也。天生萬物於高山，大王行道

能安天之所作也。箋云：高山謂岐山也。書曰：導河及岐，至于荆山。天生此高山，使

興雲雨以利萬物。大王自龜遷焉，則能尊大之，廣其德澤，居之一年成邑，二年成都。

倍其初。彼作矣，文王康之，彼徂矣，岐有夷。

三年五倍其初。彼作矣，文王康之，彼徂矣，岐有夷。

行之 夷易也 筮云彼彼萬民也 但往行  
以為常居文王則能安之後之往者又以  
岐邦之君有依易之道故也 易曰乾以易  
知坤以簡能易則易知也簡則易從也易  
知則有親易從則有功有親則可久有功  
則可大可久則賢人之德也可大則賢人  
之業也以此訂大王文王之道卓爾與天  
地合其 子孫保之 德者也

天作一章七句

昊天有成命郊祀天地也

昊天有成命二后受之成王不敢康夙夜

基命宥密 二后文武也基始命信宥寬密

成命者言周自后稷之生而已有王命也  
文王武王受其業施行道德成此三功也  
不敢自安一逸早夜始順天命不敢懈倦行  
其寬仁安靜之政以定天下寬仁所以止  
荷刻也安靜功於緝熙單厥心肆其靖之  
以息暴亂也

繼明熙廣卑厚臻固靖和也  
作光固當為故字之誤也於美乎此成王之德也既光明矣文能厚其心為之不懈故於其功終能和平之也謂夙夜能自勤至於天

### 昊天有成命一章七句

我將祀文王於明堂也

我將我享維羊維牛維天其祐之將大享獻也

膚也

箋云將猶奉養也我奉養我享祭之羊牛皆充盛肥脂有天氣之力助言神饗其德而祐之儀式刑文王之典日靖四方伊嘏文王既祐饗之儀式刑法典常靖謀也式象法行文王之常道以日施政於天下維受福於文王文王既佐而饗之言其愛之而福也我其夙夜畏天之威于時保之箋云時是也早夜敬天於是得安文王之道也



我將一章十句

時邁巡狩告祭柴望也

巡狩告祭者天子巡行邦國至于方

嶽之下而封禪也書曰歲二月東巡狩至于岱宗柴望秩于山川禘于羣神也

時邁其邦昊天其子之實佐序有周薄言

震之莫不震疊懷柔百神及河喬嶽允王

維后邁行震動疊懼懷柔永安喬高也高嶽岱宗也箋云薄猶甫也甫始也

信也武王既定天下時出行其邦國謂巡狩也天其子愛之佐助次序其事謂多生賢知使為之臣也其兵所征伐用動之以威則莫不動懼而服者言其威武又見畏也王行巡狩其至方嶽之下來寧羣神望秩于山川皆以尊卑次序祭之信哉武王之德宜為君也美之也

明昭有周式序在位

明矣知未然也

昭然不疑箋云昭見也武王巡狩而明見天之子有周家也以其俊又用吹第處位言此者着天其子愛之佐序之効也

載戰干戈載櫜弓矢

至十

戰聚橐鞬也。橐古載之言則也。王巡狩而天下咸服，兵不復用，此又著震疊之効也。  
**我求懿德，肆于時夏。**美肆陳也。我武王求有美德之士而任用之，故陳其功於夏而歌之，樂歌大者稱夏也。  
**保之。**箋云：信哉武王之德，能長保此時夏之美也。

時邁一章十五句

執競紀武王也

**執競武王，無競惟烈。不顯成康，上帝是皇。**  
無競，競也。烈，業也。不顯，不顯乎其成天功而安之也。皇，美也。箋云：競，疆也。能持疆道者，唯有武王。爾不疆乎其克商之功業，言其疆也不顯乎其成安祖考之道，言其又顯也。天以是故美之。  
**自彼成康，奄有四方。斤其明。**自彼成康，用彼成安之道也。奄，同也。斤，斤明察也。箋云：四方，謂天下也。武王用成安祖考之道，故受命伐紂，定天下為周明察之君，斤斤如也。

鼓嗶嗶聲石鏘鏘降福禳禳降福簡簡威

儀反既醉既飽福祿來反嗶嗶和也鏘鏘集也禳禳

眾也簡簡大也反反難也反復也箋六

反反頌習之貌也武王既定天下祭祖考

之廟奏樂而八音克諧神予之福又眾大

謂如嘏辭也羣臣醉飽礼无違者以重得

也福祿

執競一 早十四句

思文后稷配天也

思文后稷克配彼天立我烝民莫非爾極

極中也箋云克能也立當作粒烝眾也

周公思先祖之有文德者后稷之功能配

天昔堯遭洪水黎民阻飢后稷播殖百穀

蒸民乃粒食力国作又天下之人无不於

女時得其中者見我來牟帝命寧育無此

言反其性也

疆爾界陳常于時夏年麥寧用也箋云

王渡孟津白魚躍入于王舟出濠以燎後

五日火流為鳥五至以穀俛來此謂遺我

來牟天命以是循存下后稷養天下之功而  
廣太其子孫之國此无封境於女今之經  
界乃是大有天下也用是故陳其久常之  
功於是夏而歌之夏異屬有九書說說鳥  
以穀俱來穀紀  
后稷之德也

思文一章八句

清廟之什十篇十章九十五句

臣工之什詒訓傳第二十七

毛詩周頌

鄭氏箋

臣工諸侯助祭遺於廟也

嗟嗟臣工敬爾在公王釐爾成來咨來茹

嗟嗟勅也工官公君也箋云臣謂諸侯  
也釐理咨謀茹度也諸侯來朝天子有不  
繼臣之義於其將歸故於廟中正君臣之  
禮勅其諸官卿大夫云敬女在君之職之  
事王乃平理女之成功女有事當來  
謀之來度之於王之朝母自專也嗟嗟

保介維暮之春亦又何求如何新畀田二歲曰

新三歲曰畀 箋云保介車右也 月令孟春曰天子親載耒耜措之于參保介之御間

也暮晚也 周之季春於夏為孟春 諸侯朝周之春故曰晚春 遣之勅其車右以時事

女歸當何求於民將如新由畀由何 逸其教農趨時也 介甲也 車右勇力之 被甲

也 執六於皇來牟將受厥明明昭上帝迄用

康年康樂也 箋云將大迄至皇美也 於美乎赤烏以牟麥俱來故我周家大

受其光明也謂為珍瑞天下所休慶也此瑞乃明見於天至今用之有樂歲謂五穀

豐熟也 命我衆人疇乃錢罇奄觀銍艾疇具錢鈹

罇罇銍獲也 箋云奄久觀多也 教我庶民具女田器終久必多銍艾以謹之也

臣工一章十五句

噫嘻春夏祈穀于上帝也祈猶禱也 求也 月令孟春祈穀

于上帝夏則龍星見而雩是與

噫嘻成王既昭假爾密時農夫播厥百穀

噫歎嘻勅也成是王事也 箋云噫嘻有所多大之聲也假至也播猶種也噫嘻乎

能或周王之功其德已著至矣謂光被四

表格于上下也又能率是主田之吏農夫

使民耕田而

種百穀也

駿發爾私終三十里奕服爾

爾私三十里言各極其望也 箋云駿疾

發伐奕大服事也使民疾耕發其私田竟

讓於下欲民之大發其私田

耕十千維耦

私民田也言止欲富其民而

讓於下欲民之大發其私田

三十里者一部一吏主之於是民大事耕  
其私田萬耦同時舉也周禮曰凡治野田  
夫間有遂遂上有徑十夫有溝溝上有畛  
百夫有洫洫上有塗千夫有澮澮上有道  
萬夫有川川上有路計此萬夫之地為方  
三十里少半里也耜廣五寸二耜為耦一  
川之間萬夫故有萬耦耕  
言三十里者舉其成數也

噫嘻一章八句

振鷺二王之後來助祭也  
二王夏殷也其後祀宋也

振鷺于飛于彼西雝我客戾止亦有斯容

興也振羣飛之貌也鷺白鳥也雝澤也容  
二五後也箋云白鳥集於西雝之澤言

所集得其處也興若喻杞宋之君有潔白  
之德來助祭於周之廟得禮之宜也其至

止亦有此容言威儀之善如鷺然也  
在彼無惡在此無讟庶

幾夙夜以求終譽  
箋云在彼謂居其國也  
无怨惡之者也在此謂

其來朝也皆愛敬之无厭  
之者也永長也譽聲美也

振鷺一章八句

豐年秋冬報也 報者謂嘗也

豐年多黍多稌亦有高廩萬億及秬 豐大稌稻

也廩所以藏粢盛之穗也數萬至萬曰億  
數億至億曰秬箋云豐年大有年也亦

大也萬億及秬以言穀數多也  
為酒為醴烝畀祖妣以洽

旨禮降福孔皆 皆偏也箋云烝進畀予孔甚也



豐年一章七句

有瞽始作樂而合乎太祖也

王者治定制  
禮功成作樂

合者大合諸  
樂而奏之也

有瞽有瞽在周之庭設業設業設龔崇牙樹羽

應由懸鼓鞀磬祝圉

業如鋸齒或曰畫之楹者為龔  
崇牙上飾卷然可以為懸者也樹羽置羽

也應小鞀鼓也田大鼓也懸鼓周鼓也鞀  
鞀鼓也祝木控也圉揭也  
也以為樂官者目无所見於音聲審也周  
禮上瞽四十人中瞽百一下瞽百六十一人  
有視瞭者相之又設懸田當作鞀鞀小鼓  
在大鼓傍應鞀之屬也聲轉字誤變作田  
也

既備乃奏簫管備舉喤喤厥聲蕭韶和  
鳴先祖是聽

簫去既備者懸也鞀也皆畢  
已也乃奏謂樂作也蕭編小  
竹管為之如今賣錫者所  
吹也管如蘧而吹之也  
我客戾止永觀



厥戎箋云戎客二王後也永長觀多長多  
無所愆愆其成功謂深感於和樂遂入善道終  
過也

有瞽一章十三句

潛冬魚之性定春鮪季冬薦魚春獻鮪也新來薦獻之者謂

於宗廟也

猗與漆沮有鮪有鮪有鮪有鮪

漆沮岐周之二水也潛穆也箋云猗與  
歎美之言也鱣大鯉也鮪鮪也鮪白鮪也  
也也鯁鮪也以享以祀以介景福箋云介助

潛一章六句

雝禘大祖也禘大祭也大於四時而

有來雝雝至止肅肅相維辟公天子穆穆

於薦廣牡相予肆祀相助廣大也雝雝和也肅肅敬也

有是來時雖雖然既至止肅肅然者乃助  
王禘祭百辟與諸侯也天子是時則穆穆  
然於進大牲之牲百辟與諸侯又乃助  
我陳祭祀之饌言得天下之歡心也  
假

哉皇考綏予孝子宣哲維人文武維后  
假

也箋云宣徧也嘉哉君考序文王也文  
王之德乃安我孝子謂受命定其基業也  
又徧使天下之人有才智  
燕及皇夫克昌  
以文德武功為之君故也

厥後綏我眉壽介以繁祉  
繁多也文王之

德安及皇夫謂降瑞應無變異也又能  
昌大其子孫安助之以考壽與多福也  
既

右烈考亦右文母  
烈考武王也文母太妣

所以得考壽與多福者乃以見右助  
於光明之考與文德之母歸美也

雖一章十六句

載見諸侯始見予武王廟也

載見辟主曰求厥章龍旂陽陽和鈴央央

儻革有鷄休有烈光

載始也龍旂陽言有文章也和在軾前

鈴在旂上儻革有鷄言有法度也箋云

諸侯始見君主謂見成王也日求其章者

求車服禮儀文章制度也交龍為旂也儻

革轡首也鷄金飾貌也休者休然盛壯意

也率見昭考以孝以享以介眉壽永言保

之思皇多祜

昭考武王也享獻也箋云言我皇君也諸侯既以朝禮

見於武王至祭時伯又率之見於武王廟使助祭也以致考子之事以獻祭之禮

以助考壽之福長我安行此道思使成王之多福也

多福俾緝熙于純嘏

箋云俾使純大也祭祀有十倫之義成王

乃光文百辟與諸侯安之以多福使光明於大嘏之意天子受嘏故曰大嘏嘏辭有

福祿之言也

載見一章十四句

有客微乎來見祖廟也

成王既黜殷命殺武庚命微子代殷

後既受命來朝而見也

有客有客亦白其馬有萋有且敦琢其旅

殷尚白亦亦周也萋由敬慎貌也箋云有客有客重言之者異大之也亦亦武庚也武庚為二王後乘殷之白馬乃叛而誅不肖之甚也今微子代之亦乘殷之白馬獨賢而見尊異故言亦駁而美之也其來賦儀萋萋且且蓋心力其事又選擇眾臣卿大夫之賢者與之朝王言敦琢有客宿者以賢美之故以金玉言之也

宿有客信信言授之繫以繫其馬

一宿曰宿再宿

曰信欲繫其馬而留之也箋云繫絆也周之君臣皆愛微子其所館宿可以去矣而言絆其馬者薄言追之左右綏之追送意各殷勤也也於微子去王始言餞送之左右既有淫威降福孔夷淫大威則夷易也箋云既有禮樂如天子也神與之福又甚易也言動作而有度也

有客一章十二句

武奏大武也

大武周公作樂所為舞也

於皇武王無競惟烈允文文王克開厥後

烈業也 箋云皇君也於乎君哉武王也

无疆并其克商之功業言其疆也信有文

德哉文王也能開

其子孫之基緒也

定爾功 武迹劉綬者致也 箋云遏止者

老也嗣子武王受文王之業舉兵

伐殷而勝之以止天下暴虐而殺入者年  
老乃安定女之此功言不汲汲於誅紂須  
暇五年也

武一章七句

臣工之什十篇十章百六句

閔予小子之什詁訓傳第二十八

毛詩周頌 鄭氏箋

閔予小子嗣王朝於廟也 嗣王者謂成王也除武王之喪

將始即政  
朝於廟也

閔予小子遭家不造嬛嬛在疚閔病造為  
疚病也

箋云閔悼傷之言也造猶成也可悼傷乎  
我小子耳遭武王崩家道未成嬛嬛然孤

特在憂病  
之中也  
於乎皇考永世克孝念茲皇祖

陟降庭止庭直也  
箋云茲此也陟降上  
下也於乎我君考武王長也

能考謂能以孝行為子孫法度使見長行也  
念此君祖文王上以直道事天下以直道

治民言无  
私狂也  
維予小子夙夜敬止於乎皇王

繼序思不忘序緒也  
箋云夙早敬慎也  
我小子早夜慎行祖考之道

言不敢解倦也於乎君王歎文王也武  
王也我繼其緒業思其所行不忘之也

閔予小子一章十一句

訪落嗣王謀於廟也謀者謀  
政事也

訪予落止率時昭考於乎悠哉朕未有艾艾  
艾也

將予就之繼猶判換訪謀落始時是率猶也  
也 變云昭明艾敷猶圖也成王始即政也  
也 自以兼聖父業懼不能遵其道德故於廟中與羣臣謀我始即政之事君手臣曰當循是明德之考所施行故答之以謙曰於乎遠哉我於是未有數言遠不可及也艾授將我就其典法而行之繼續其業圖我功失分散變云多  
 者收歛之衆也我 惟予小子未堪家多難衆也我  
小子耳未任統理 我國家衆難成之書心有任賢待年長大之志也難成之事謂諍

政有業未平者也 紹庭上下陟降厥家休矣皇考

以保明其身變云紹繼也厥家謂羣臣也繼文王陟降庭止之道上下

羣臣之職以次序者美矣我君考武王能以此道尊安其身謂定天下居天子之位也

訪落一章十二句

敬之群臣進戒嗣王也

敬之敬之天維顯思命不易哉無曰高高

在上陟降厥士日監在茲

顯見士事也  
箋云顯光監視

也羣臣見王謀即政之事故因此時戒之  
日敬之哉敬之哉天乃光明去惡與善其  
命吉凶不變易也無謂天高又高在上遠  
又而不畏也天上下其事謂轉運日月施  
其所行日日視  
瞻近在此也

維予小子不聰敬止日就

月將學有緝熙于光明佛時仔肩示我顯

德行小子嗣王也將行光廣佛大仔肩克

肩任也羣臣戒成王以敬之敬之故兼之  
以謙云我小子取不聰達於敬之意日就  
月行言當習之以積浸也且欲學於有光  
明之光明者謂賢中之賢者也輔佛是任  
示導我以顯明之德行是時自知未能  
成文成之功也周公始有居攝之志也

敬之一章十二句

小毖嗣王求助也愆值也天下之事當慎  
其小小心時而不慎後為

禍大故成王求忠臣早輔  
助已為政以救患難也



予其懲而茲彼後患莫予蚘蜂自求辛螫  
茲慎也。蚘蜂擊曳也。箋云懲艾也。始者  
管叔及其羣弟流言於國成王信之而疑  
周公至後三監叛而作亂周公以王命舉  
兵誅之歷年乃已故今周公歸政成王受  
之而求賢臣以自輔助也。曰我其劓艾於  
往時矣。畏慎後復有禍難羣臣小人无敢  
我制手曳謂為譎詐詭欺不可信也。女如是  
從自求辛苦毒螫之害耳。謂將有刑誅之  
也。肇允彼桃蟲拚飛惟鳥。桃蟲鷓也。鳥之  
始小終大者也。

未堪家多難予又集于蓼  
箋云肇始允信也。始者信以彼管蔡之  
屬雖有流言之罪如鷓鳥之小不登誅之  
後反叛而作亂猶鷓之翻飛為大鳥也。鷓  
之所為鳥題有也。或曰鷓也皆惡鳥也。  
未堪家多難予又集于蓼。蓼仁子我也。予  
苦也。箋云集會也。未任統理我國家衆  
難成之事謂使周公居攝時也。我又會  
辛苦遇三監反  
淮夷之難也。

小苾一、二、八句

載芟春籍田而祈社稷也

籍田甸師氏所掌王載米藉所

耕之田也天子千畝諸侯百畝籍之言借也借民力治之故謂之籍田也

載芟載柞其耕澤澤千耦其芸祖隰祖畛

侯生侯伯侯亞侯旅侯疆侯以

柞也畛場也主家長也伯長子也亞仲叔也旅子弟也疆疆力也以月也

始也隰謂新發田也畛舊田有徑路者也疆有餘力者也周礼曰以疆予任民以謂

間民今時備償者也春秋之義能東西之日以也成土之時萬民樂治田業耕先始芟柞其草木土氣悉達而和耕之則澤澤然解散於是芟除其根株輩作者千耦言趨時也或往之隰或往之畛父子餘夫俱行疆有餘力者相助又取備償務疾畢已當種有噴其鑿思媚其婦有依其土

之也 鑿也士子弟也 愛也婦子來饋饗其農人於田野乃逆而勞而不自苦之也 有略其耜 載南畝播

厥百穀實函斯活

畧利也 箋云椒載種

函含活生也農夫既芸除其草木根株乃更以利耕熾苗而後種其種皆成好含生

也 驛驛其達有厭其傑厭厭其苗綿綿其

也 廉 達射也 有厭其傑言傑苗厭厭然特美也 廉也 廉若也 箋云達出地也 傑先長者

也 厭厭其苗 載獲濟濟有實其積萬億及

棟 濟濟難也 箋云難者穡家難進也 有實實成也 其積之乃萬億言得多也

為酒為醴烝畀祖妣以洽百禮

箋云烝進界與洽合

也進予祖妣謂祭先祖先妣也 以洽百禮謂饗宴之屬也

有饌其香邦

家之光

饌芬香也 箋云以芬香之酒醴饗燕賓客則多得其歡心於國家

有樂 有椒其馨胡考之寧

椒猶饌也 胡壽考成也 箋云

寧安也 以芬香之酒醴祭

匪且有且匪今

斯今振古如茲

於祖妣則多得福祐也 且此振自也 箋云匪非振亦古也 饗燕祭祀心非

云且而有且謂將有嘉慶禎祥先來見也  
心非云今而此有今謂嘉慶之事不聞而  
至也言脩德行禮莫不獲報也乃古  
古而如此所由來者久非適今時也

載芟一章三十一句

良耜秋報社稷也

畎畝良耜耜載南畝播厥百穀實函斯活

畎畝猶測也 密六良善也農人測測  
以秒善之耜熾蓄是南畝種此百穀其種

皆成好念生氣 或來瞻女載筐及苜其饒

伊黍其笠伊糾其錡斯趙以薺茶藜

暑雨也趙刺也藜水草也 密云瞻視也  
有來視女謂婦子來 饒者也筐苜所以盛  
黍稷也豐年之時雖賤者猶食黍 饒者見  
載糾然之笠以田器刺地薺去茶藜之毒

言閱其 茶藜朽止黍稷茂止獲之桎桎積

之粟粟其崇如墉其比如櫛以開百室

桎桎

獲聲也。栗栗衆多也。墉城也。莩六百室。一族也。草穢既除而未稼。茂未稼。而穀成熟而積聚多如城如櫛也。以言積聚之高大且相比迫也。其已治則百室開戶內之千耦其共輩作尚衆也。一族同時內穀親親也。百室者出必共恤間而耕入必共族中而居又有祭。百室盈止婦子寧止殺。醕合醴之歡也。

時犇牡有採其角以似以續續古之人牛黃

黑脣曰犇牡。採牛角也。以似以續。祠前歲。往事也。莩六採角類也。五穀畢入婦

子則安。无行饗之事。於是殺牡報祭。社稷祠前歲者。復求有豐年也。續往事者。復以養人也。續古之人。求有良司。稽也。

良耜一章二十三句

絲衣繹賓戶也。高子曰。靈星之戶也。繹又祭也

天子諸侯曰繹。以祭之明日。卿大夫曰賓戶。與祭同日。周曰繹。商謂之融也。

絲衣其紵載弁侏侏自堂徂基自羊徂牛

有鼎及之

絲衣祭服也。經繫鮮。象球。球。恭。牛言先。小後大也。大鼎謂之。鼎。小鼎謂之。鼎也。箋云。載猶戴也。并爵弁也。爵弁而

祭於王。士服也。繹。禮輕也。使士外。門堂視。壺。濯及。盥。盥之。屬。降。往於基。告。濯。臭。又視。牲。從。羊之。牛。反。告。死。肥也。已。乃。舉。鼎。審。祀。告。繫。禮。之。次。也。鼎。圖。弁。上。謂。之。鼎。也。

牲。從。羊之。牛。反。告。死。肥也。已。乃。舉。鼎。審。祀。告。繫。禮。之。次。也。鼎。圖。弁。上。謂。之。鼎。也。

告。繫。禮。之。次。也。鼎。圖。弁。上。謂。之。鼎。也。

告。繫。禮。之。次。也。鼎。圖。弁。上。謂。之。鼎。也。

告。繫。禮。之。次。也。鼎。圖。弁。上。謂。之。鼎。也。

告。繫。禮。之。次。也。鼎。圖。弁。上。謂。之。鼎。也。

講。不。傲。慢。也。此。得。壽。考。之。休。徵。也。

絲衣一章九句

酌告成天武也言能酌先祖之道以養天

下也周公居攝六年制禮作樂歸政成王乃後祭於廟而養之其始成告之也

於鑠王師遵養時晦時純熙矣是用大介

鑠美遵率養取時是晦味也箋云純大

類一國以事討養是闇昧之君以老其惡是  
用周道大興而天下歸往之故有致死之  
土助也 我龍受之 踏踏王之造載用有嗣龍  
也 踏踏武親也 造為也 箋云龍寵也來  
助我者我寵而受用之故踏踏之士皆爭  
來造王則用之 實惟爾公允師 公事也  
有嗣傳相致也 也王之事所以舉兵克勝者實  
惟女之事信得用師之道也

酌一章九句

桓講治類禡也 桓武志也

類也 禡也 皆師祭也

綏萬邦 屢豐年

箋云 綏安 屢亟也 誅无道 安天下則亟有豐熟之年

陰陽和也 天命匪解 桓桓武王 保有厥士 予以

四方克定 厥家

士事也 箋云 天命為善 不懈倦者以為天子也 我

桓桓有威武之武王則能安有天下之事 此言其當天意也 於是用其武事於四方 能安定其家先王 於昭于天 皇以聞之 業遂有天下也 於昭于天 皇以聞之 代

也 箋云于曰皇君也 於明乎曰天也 討  
為天下之君 祖由為惡天以武王伐之也

### 桓一章九句

賚大封於廟也 賚予也 言所以錫予善人

也 大封武王封伐紂 時諸臣有功者也

文王既勤止我應受之敷時繹思我祖惟

求定 勤勞應當繹陳也 箋云敷猶徧也 求定勤勞心於政事以有天下之業

我當而受之敷是文王之勞心能陳繹時  
而行之今我往以此求定謂安天下也

周之命於繹思 受天命而王之所以

女諸侯受封者陳繹思行 賚一章六句

般巡狩而祀四岳河海也 般樂也

於皇時周陟其高山 墮山喬岳允猶翕河

高山曰四岳也 墮山山之墮墮小者也 翕  
合也 箋云是君喬高猶圖也 於乎美哉



君是周邦而巡狩其所至則登其高山而  
祭之也望秩于山川小山及高嶽皆信祭  
山川之圖而次序祭之河言合者河自溥  
大陸之北敷為九河祭者合為一也  
天之下哀時之對時周之命哀聚也 箋  
去哀衆對配  
也備天之下衆山川之神皆如是配  
而祭之是周之所以受天命而王也

般一章七句

閔予小子之什十一篇十五章百二十七句

卷終

